

太上黃籙齋儀卷之四十八

五十四

太上黃籙齋儀卷之四十八

王古

唐 廣成先生杜光庭集

解考懺方

都懺

臣等今故燒香歸身歸神歸命奉為某乙奉

依解考明科修齋行道懺謝三十六世以來  
億曾萬祖爰及亡靈眷屬親緣歷世所行無  
邊之罪上犯諸天大聖大道衆尊三光五行  
虛空主宰風雲雷雨天道神明下犯五嶽諸  
山三十六地丘陵水府地下職司中犯八卦

九宮陰陽官屬古今靈聖前代賢明違背五  
常犯干四大名書罪簡禍結幽關天奪年齡  
不終天算身歿之後留滯地司拘對窮魂幽  
閉重檻諸苦徧歷衆考備經往返三塗流曳  
五道楚毒謫役毀悴難任累咎纏綿終天無

王十四

解今依靈仙品格懺罪希恩燒香然燈修齋  
行道皈命

十方無極太上靈寶天尊已得道大聖衆至  
真諸君丈人十鄉神仙諸靈官伏冀  
太上三尊諸天大聖開大慈之澤降罔極之

恩勅飛天神人齋九龍符命告下十方世界  
考官地獄之中赦積世以來無邊之罪開九  
幽地獄出長夜之魂沐浴朱陵之庭冠帶洞  
陽之府生神福界流貺子孫吉祐常臻存亡  
咸泰上資國祚旁及群生俱契玄休永登真  
品得道之後昇入元形和與道合真

東方

臣等今故燒香歸身歸神歸命奉為某乙奉  
修解考大齋轉經行道皈命  
東方无極太上靈寶天尊九炁天君東鄉神

仙諸靈官懺悔其乙三十六世以來億曾萬  
祖爰及亡靈眷屬親緣積世所行無邊之罪  
或行乖慈育不惠不仁或違背師君不忠不  
孝毀傷良善干冒神明違越五常恣行諸惡  
魘禱呪詛殺害無辜考重殃深未蒙原解魂

五十四

二

神執繫在木官東嶽刑擣獄中受劔樹刀山  
風雷之苦晝夜考掠痛毒難任注訟子孫殃  
流後裔冥冥長夜解拔無由以今懺謝乞恩  
修齋行道伏冀

大慈哀宥

萬聖迴光告下東府之中考官門下解釋寬  
對原赦魂神託化福庭往昇淨域見存安泰  
永荷玄恩得道之後昇入无形和與道合真

南方

臣等今故燒香歸身歸神歸命奉為其乙奉  
修无上解考妙齋轉經行道皈命

南方无極太上靈寶天尊三炁天君南鄉神  
仙諸靈官懺悔其三十六世以來億曾萬祖  
爰及亡靈眷屬親緣生世所行無邊之罪或  
任心楚毒殺害無辜結誓告盟魔害於物邪

淫不正凌暴貞良動越禮儀恣行罪惡犯天  
地日月一切神明考重殃深未蒙原解魂神  
執繫在火官南嶽刑擣獄中爐炭焚燒形殘  
之苦晝夜考掠痛毒難任殃注子孫流逮無  
已冥冥長夜解拔無由以今懺謝乞恩修齋

五十四

三

行道伏覲

三尊鑒宥衆聖垂光告下南方火官刑擣門  
下赦除積罪原赦幽魂出霍山地獄之中昇  
洞陽朱宮之內見存蒙祐永荷玄恩得道之  
後昇入无形和與道合真

臣等今故燒香歸身歸神歸命奉為某乙奉  
修无上解考妙齋轉經行道皈命

西方无極太上靈寶天尊七炁天君西鄉神  
仙諸靈官懺悔某三十六世以來億曾萬祖  
爰及七靈眷屬親緣生世所行無邊之罪或  
不行義讓諂佞無端嫉妬賢能濁亂神道酷  
虐無度殺戮任心負誓違盟魘蠱謀議殃罪  
結固積若丘山責重考深未蒙原解魂神執  
繫在金官華山地獄之中受銅柱鐵床金鎚



之考晝夜毒痛食息無寧注訟生人纏綿未  
解冥冥長夜解脫無由以今行道結齋祈恩  
懺拔伏覲

天尊慈祐

大道迴光賜告西府之中考官門下解除殃

江遷拔魂神受福天堂生神仙界幽明咸泰  
永荷玄恩得道之後昇入无形和與道合真

北方

臣等今故燒香歸身歸神歸命奉為某乙奉  
修无上解考妙齋轉經行道皈命

北方无極太上靈寶天尊五炁天君北方神  
仙諸靈官懺悔其乙三十六代以來億曾萬  
祖爰及亡靈眷屬親緣生世所行無邊之罪  
或上違天道下犯地司穢觸三光輕凌四大  
怨恚風雨牽引鬼神肆毒於人殘害於物魂

五十四

四

神執對在水官恒山地獄之中受寒冰夜庭  
冰河之苦肌肉凍裂萬痛切身延注子孫流  
殃未已冥冥長夜解拔無由以今行道立齋  
祈恩謝過伏冀

諸天鑒護

萬聖垂恩勅告北府之中考官門下赦除罪  
咎遷拔苦魂出長夜寒庭離三塗五苦昇神  
淨域福祐見存族眷安寧存亡俱泰蒙如所  
願仰荷玄恩得道之後昇入无形和與道合  
真

東北方

臣等今故燒香歸身歸神歸命奉為某乙奉  
修无上解考妙齋轉經行道皈命

東北方无極太上靈寶天尊梵炁天君東北  
方神仙諸靈官懺悔某三十六世以來億曾

萬祖爰及亡靈眷屬親緣生世所行無邊之  
罪或為子不孝為臣不忠為父不慈為君不  
道妬賢嫉善背正宗邪口是心非自欺形影  
五逆徧造衆惡備行枉害無辜傷殺非理從  
生入死怨徹天靈呪詛神明魘害巫蠱殃深

五十四

五

責重幽繫在地府刑擣獄中考掠萬般形魂  
毀瘁冥冥長夜解拔無由以今戡罪乞恩修  
齋行道伏覲

十天降宥

萬聖開恩勅告東北方刑擣獄中考官門下

解除罪對原赦窮魂離幽閉之鄉出重檻之  
苦浴神丹霍騰景朱陵注訟求除子孫寧泰  
蒙如所啓仰荷玄恩得道之後昇入无形和  
與道合真

東南方

臣等今故燒香歸身歸神歸命奉為某乙奉  
修无上解考妙齋轉經行道皈命  
東南方无極太上靈寶天尊梵炁天君東南  
鄉神仙諸靈官懺悔某家億曾萬祖爰及亡  
靈眷屬親緣及三十六世以來生世所行無

邊之罪或恣爲強暴凌虐於人輕侮孤窮憎  
嫌老病彰人之惡掩人善功闖亂親踈抑伏  
貧弱圖謀非道訕謗賢良破人成功嫉人勝  
已傷殺非理縱毒任心引天地日月星辰以  
爲質證罪深責重魂繫地府考官獄中水火  
風刀晝夜考掠更相注逮解拔無由以今懺  
謝乞恩修齋行道伏冀  
十方大聖五帝高尊勅告東南方刑擣獄中  
考官門下拔贖幽爽盥沐形魂萬罪蠲銷宿  
殃除蕩冤仇解釋債訟和平福利見存神生

善域幽明同祐永荷玄恩得道之後昇入无  
形和與道合真

西南方

臣等今故燒香歸身歸神歸命奉為某乙奉  
修无上解考妙齋轉經行道皈命

五十四

六

西南方无極太上靈寶天尊梵炁天君西南  
鄉神仙諸靈官懺悔某家億曾萬祖三十六  
世以來爰及亡靈眷屬親緣生世所行無邊  
之罪或綺言無實矯妄非真欺誑賢愚凌侮  
真聖附強抑弱貪毒無厭或爭利競財侵名

奪位互相殘陷害毒忠良危人自安殺生利  
已削奪財利不念孤窮結誓立盟牽神引鬼  
因成殃對積在幽冥魂繫地府之中考官之  
獄監閉幽檻不覩光明考掠備嬰終天無解  
以今修齋行道謝罪乞恩伏冀天恩西南  
上聖上真大慈大宥神光下照陰暗開明告  
勅西南方刑擣獄中考官門下幽魂開度託  
化福庭惠澤咸霑存亡俱泰蒙如所啓仰荷  
玄恩得道之後昇入无形和與道合真



臣等今故燒香歸身歸神歸命奉為某乙奉  
修无上解考妙齋轉經行道皈命

西北方无極太上靈寶天尊梵炁天君西北  
鄉神仙諸靈官懺悔某乙家億曾萬祖三十  
六世以來爰及亡靈眷屬親緣生世所行無

五十四

邊之罪殃深考重累劫未原六趣三塗受諸  
報對魂神執繫在地官刑拷獄中痛毒難堪  
延逮後嗣更相流注億劫無窮以今懺罪乞  
恩修齋行道伏覲  
衆尊上聖普降慈光解救窮魂出離幽苦勅

告西北方刑擣獄中考官門下寃仇和釋債  
訟銷平積累深衍盡皆除蕩存亡開度家國  
霑恩得道之後昇入无形和與道合真

上方

臣等今故燒香歸身歸神歸命奉為某乙奉  
修无上解考妙齋轉經行道皈命

上方无極太上靈寶天尊三十六天帝君王  
京玄都紫微金闕三清三界梵炁炁天君无極  
世界上鄉神仙諸靈官懺悔某乙家億曾萬  
祖三十六世以來爰及亡靈眷屬親緣歷世

所行無邊之罪或上違天道穢慢三光裸露  
神明呵忿雷雨欺罔幽顯不畏真靈九府結  
刑三官舉考魂神執繫在九幽長夜刑擣獄  
中流曳寒庭幽閉牢檻冥冥億劫不覩光明  
流注子孫引逮存歿更相執對洗滌無由以  
今懺謝乞恩修齋行道伏覲  
三尊萬聖

太上衆真諸天帝君四司五帝三光列宿三  
界真靈普降洪慈鑒臨丹懇勅告考官門下  
地獄之中拔度魂神赦除罪犯和寃釋對離

苦生天昇入福堂聞經悟道求超生死同入  
無爲債訟清銷存亡開泰蒙如所啓仰荷玄  
恩得道之後昇入无形和與道合真

下方

臣等今故燒香歸身歸神歸命奉爲某乙奉

五十四

修元上解考妙齋轉經行道皈命

下方无極太上靈寶天尊九壘土皇四司五  
帝十二仙君九宮真人神仙玉女无極世界  
下鄉神仙諸靈官懺悔某家億曾萬祖三十  
六世以來爰及亡靈眷屬親緣積世所行無

邊之罪或妄為師道刻截土地丘陵岡原川  
脉毀傷墳廟禁遏神祇塞絕水源斷山堙谷  
破城隍社稷犯侯伯土官不懼神明恣為罪  
惡魂神執繫在下方世界九幽地獄之中汲  
長夜之河以灌四瀆負山揔石謫役萬端痛  
苦被嬰終天無解上延前世下及子孫報對  
未原殃深責重以今修齋行道懺拔罪根伏  
覲

覲

長安大觀寺果實金真

上聖衆尊開恩赦宥告勅下方酆都九幽地  
府刊壽獻中考官門下赦除往劫無量罪因

遷拔窮魂出離幽苦逍遙真境安處福鄉胤  
嗣康寧存亡俱泰蒙如所啓仰荷玄恩得道  
之後昇入无形和與道合真

三光

臣等今故燒香歸身歸神歸命奉為某乙奉

王十四

九

修无上解考妙齋轉經行道皈命

日月星宮至真大聖三光神仙諸靈官懺悔  
某家億曾萬祖三十六世以來爰及亡靈眷  
屬親緣無邊之罪或為君無道為臣不忠為  
父不慈為子不孝犯天文地紀及日月星辰

積惡深瑕陰罪陽過名書惡簿身歿鬼官在  
長夜考官之獄執繫重檻解謝無由以今懺  
罪乞恩修齋行道伏冀

諸天大聖

三光衆尊告勅地府獄中考官門下赦除積  
罪和釋冤仇債訟銷平存亡安泰得道之後  
昇入无形和與道合真

五嶽

臣等今故燒香歸身歸神歸命奉為某乙奉  
修无上解考妙齋轉經行道皈命

五嶽真君名山洞府得道神仙諸靈官懺悔  
某家億曾萬祖及三十六世以來爰及亡靈  
眷屬親緣無邊之罪或恣行釁祭干忤神明  
犯名山大川靈墟福地丘原主宰幽職靈司  
積罪纏綿未蒙蠲赦魂神執對在名山五嶽  
地獄之中痛毒備嬰終天無解以今修齋行  
道懺罪希恩伏冀  
萬聖延慈

諸天鑒祐勅告五嶽獄中考官門下解除冤  
債蕩滌罪瑕萬惡俱消九幽開朗蒙如所啓



仰荷玄恩得道之後昇入无形和與道合真

### 水府

臣等今故燒香歸身歸神歸命奉為某乙奉  
修无上解考妙齋轉經行道皈命

扶桑大帝暘谷神王三河四海九江水帝十

王十四

十

二河源水府神仙諸靈官懺悔某家億曾萬  
祖三十六世以來爰及亡靈眷屬親緣無邊  
之罪或輕慢真靈不敬神明污穢泉源侵傷  
川澤動成罪目結在冥曹執繫魂神在水府  
地獄考官門下備受諸苦痛毒難任捷級冥

波以灌四瀆冰河寒夜凍裂身形不覩光明  
無由開度以今修齋行道懺罪希恩伏冀

萬聖鑒臨

三尊赦宥水府獄中考官門下解冤釋結赦  
罪除愆出幽暗之鄉陟清虛之域魂神受鍊  
證品生天罪咎永銷子孫貞泰蒙如所啓仰  
荷玄恩得道之後昇入无形和輿道合真

經寶

臣等今故燒香歸身歸神歸命奉為某乙奉  
修元上解考妙齋轉經行道皈命

至真无上三十六部尊經真文寶符諸天祕  
藏十方正法侍衛經典一切靈司懺悔某家  
億曾萬祖三十六世以來爰及亡靈眷屬親  
緣無邊之罪或前劫後劫億世萬生三業所  
爲六情所造陰罪陽過考重責深或輕慢無

五十四

十一

圖穢賤文字非毀聖典泄露靈文殃咎纏綿  
未曾祈懺魂神執繫在九幽地獄之中考掠  
備嬰幽閉牢檻冥冥長夜解拔無由以今謝  
過希恩修齋行道伏願

靈司奏御慈澤旁流告勅地獄幽牢考官門

下解銷殃對和釋冤仇超度泉關昇登福路  
利安後胤克獲康寧九夜三塗同承景祐蒙  
如所啓仰荷玄恩得道之後昇入无形和與  
道合真

太上黃籙齋儀卷之四十八





Large, faint watermark characters, possibly 'E' or 'B', are visible on the right side of the page.

